

## Emprim festival da la chanzun rumantscha

**Mardi saira è l'uniun «La chanzun rumantscha» vegnida fundada a Trun.** La finamira è da promover la musica rumantscha, en spezial la chanzun rumantscha. Ina skizza da project per il festival da la chanzun rumantscha è sin maisa. Quel è dals 15–17-03-2019 a Trun. Venderdi saira èn chantauturs sin tribuna, sonda datti chant en famiglia, chant avert, concerts e plinavant vegni preschentà novas cumposiziuns da chors. Dumengia va il festival a fin cun la chanzun d'art rumantscha. Il festival va en roda en

ils territoris linguistics rumantschs. Ils iniziants da questa scuntrada interrumscha èn *Clau Scherrer, Giusep Giuanin Decurtins e Flavia Walder*. Ina finamira saja era d'animar cumponists giuvens da scriver chanzuns, di Scherrer. Las cumposiziuns na duain dentant betg esser elitaras ed en quest senn na vulan els era betg far concorrenza ad autras festas da chant. En suprastanza da l'uniun «La chanzun rumantscha» èn Clau Scherrer (president), Flavia Walder (actura) ed *Iris Cadalbert* (finanzas).



**Giusep Giuanin Decurtins, Clau Scherrer, Erwin Ardüser, Iris Cadalbert, Flavia Walder (da san.)**

FOTO RTR, H. GIGER